

ಪೌಲನು ತಿಮೋತಿಯವರಿಗೆ ಬರೆದ ಮೊದಲನೆಯ ಪತ್ರಿಕೆ ಪೌಲಾನಿ ತಿಮೋತ್ಯಾಲಾ ಲಿವ್‌ಲ್ಯಾಲ ಪೈಲ ಪತ್ರ ವಳಕ್

ಅಪೊಸ್ತಲ್ ಭಾಲ್ಯಾಲಾ ಪೌಲ್ ತ್ಯಚ್ ಶಿಶಾ ಭಾಲ್ಯಾಲಾ ತಿಮೋತ್ಯಾಲಾ ಲಿವ್‌ಲ್ಯಾ ಪತ್ರ ವ್ಹಯ್. ಯೇಸು ಕ್ರಿಸ್ತ್ ಜಲಾಮ್‌ಲ್ಯಾ ನಂತರ್ 62-64 ವರ್ಸ ಭಾಲ್ಯಾನಂತರ್ ಹ್ಯ ಪತ್ರ ಲಿವ್ಲ ಆಸಲ್, ಹ್ಯ ಪೌಲಾನಿ ಸರ್ತ್ಯಾ ಯಳಾತ್ ಲಿವ್‌ಲ್ಯಾ ಪೌಲಾಚೆ ಆನಿ ತಿಮೋಥಿಚೆ ಮದ್ದಿ ಚಾಂಗ್ಲ ಸಮನ್ ಹುತ್ತ್ ಮನ್ವುನ್ ಪೌಲಾ ತಿಮೋತ್ಯಾಲಾ ಕವಾಬಿ ಲೆಕಾ ಮನ್ವಿತಾ. ಪಿಲಿಪ್ಪಿ 2:22,1 ತಿಮೋಥಿ 1:2-18 ಹ್ಯ ಚಾರಿತ್ರ್ ಯಾಕ್ ಪತ್ರ ಭಾಲ್ಯಾ.

ಪೌಲಾನಿ ಸಬೆಲಾ ಲಿವಾಚೆ ಆಂದಿ ಯಕಾ ಮಾನ್ಸಾಲಾ ಲಿವ್‌ಲ್ಯಾ ದುಸ್ರಿ ತೀನ್ ಪತ್ರಿಕೆಚಿ ಮಂಜೆ ದೊನ್ವ್ತ ತಿಮೋತಿ ತೀತ್ ಆನಿ ಪಿಲೊಮೊನ್ ಸಬೆಚೆ ಆರಾಧನೆಸಾಟಿ ಯಕ್‌ವ್ಯಾ ತಿಮೋತಿತ್ ಖುಬ್ ಪಾರ್ಕಿ ಹಾತ್ತಾ 2:1-15 ಸಬೆಚಾ ಜಾಂತ್ಯಾನಾ ವ್ಹಯಿ ಆಸ್‌ಲ್ಯಾಲ ಗುನ್ 3:1-13 ಆನಿ ಲಬ್‌ಡ್ಯಾ ಸಿಕ್ವಿನ್ಯಾತ್ಸಿ ಹುಶಾರ್ಕಿ ಸಾಂಗ್ 1:3-11, 4:1-5, 6:2-5 ಹ್ಯ ಸಗ್ಳ ಪೌಲ್ ಕಚೆ ತರನಿ ಸಬೆಂಚೆ ಮದ್ದಿ ತಿಮೋತಿ ಯಕಾ ಫುಡಾರಿಚೆಗತ್ ಕಸಿ ತರಬೆತಿ ದಿಯಿತಾ ಮನ್ವಾಚ್ ದ್ಯಾವ್. ತಿಮೋಥಿಚಾ ಯಕವ್ಯಾ ಪತ್ರ್ ರ್ಲ್ಯಾತ್ ಖುಬ್ ನೆಮ್ ಹಾತ್ತ್ ಹ್ಯಾ ಯಳಾತ್ ಆಘುಬಾಘುಚೆ ಸೆಬೆಚಾ ಜಾಂತ್ಯಾನಾ ಕಸಿ ಸೆವಾ ಕರಾಯಾ ವ್ಹಯಿ ಮನ್ವುನ್ ಮಜ್ಜತ್ ಜಾಲೆ.

ಭಾಗ್

1. ಪೌಲ್ ತಿಮೋತ್ಯಾಲಾ ನಮಸ್ಕಾರ್ ಸಾಂಗಿತ್ ಸುರ್ವಾತ್ ಕರ್ತೊ.
1:1-2
2. ನಂತರ್ ಲಬಾಡ್ ಸಿಕ್ವಿನ್ಯಾತ್ಸಿ ಭಾಗ್ಯತ್ ದೆತೊ 1:3-11
3. ಯೇಸು ಕ್ರಿಸ್ತ್ ಆಪ್ಲು ಕೃಪ್ಪಾ ಉಪ್ಕಾರಿ ಭಾಲ್ಯಾ ಮನ್ವುನ್ ಫುಡುನ್ ಸಾಂಗಿತ್ ಪತ್ರ ಮೊರ್ಡ್ ಸುರು ಕರ್ತೊ 1:12-19

4. ಮಂಗೆ ಆರಾಧನೆ ಆನಿ ಸಬೆಚಾ ಜಾಂತ್ಯಾಂಚೆ ಗುಶ್ಟಿತ್ ತಿಮೋತ್ಯಾಲಾ ಪಾರಕ್ ದೇತೊ. 2—3

5. ತಿಮೋತ್ಯಾಲಾ ಪೌಲಾಚಿ ಸರ್ತಿ ಪಾರಕ್ ದೀಯಿತ್ ಹ್ಯ ಪತ್ರ ಸಪಿವ್ತೊ 4—6

1 ಪೌಲಾಪ್ಲಿ ಆಮಚಾ ರಾಖನ್ನಾರ್ ಜಾಲ್ಯಾಲಾ ದೇವ್ ಆನಿ ಯೇಸು ಕ್ರಿಸ್ತ್ ಆಮ್ಚಾ ಆಶಾ ಜಾಲ್ಯಾಲಾ ಮೀ ತ್ಯಚಾ ಅಪೋಸ್ತಲ್ ಜಾಲ್ಯೊ.

2 ತು ಇಸ್ವಾಸಾಚಾ ಮನ್ವುನ್ ಮನಾ ಖರ್ಚ್ ಲೇಕಾಚೆಗತ್ ರಾಸಿಲ್. ಬಾ ಪರಮೇಶ್ವರಾಪ್ಲಿ ಆನಿ ಆಮ್ಚಾ ದೇವ್ ಕ್ರಿಸ್ತ ಯೇಸುಪ್ಲಿ ದಯಾ ಕರ್ನಾ ಶಾಂತಿ ತುಲಾ ಗಾಹುನಿ.

ಬುರ್ಶಾ ಶಿಕ್ಯನಾನಾ ಹುಶಾರ್

3 ಮೀ ಮಕೆದೊನ್ಯಾತ್ ಜಾತಾನಾ ತು ಯೆಫೇಸಾತುಸ್ ರ್ಲ್ದಾ ಮನ್ವುನ್ ಇನಂತಿ ಕಿಲಿ. ಥುಡಿ ಜನ ತಿಥ ಲೊಕಾನಾ ಲಬಾಡ್ ಸಿಕ್ವಿತಿತ. ತು ತ್ಯನಾ ಆಜ್ಞಾದಿವುನ್ ಥಾಂಬಿವ್.

4 ಕಾಲ್ನಿಕ್ ಕ್ಯಾಯ್ನ್ಯಾ ಆನಿ ತುಮ್ಮಾ ವಡ್ಲಾಂಚಿ ಮುಟಿ ಪಟ್ಲಿ ಸುಡುನ್ ದೇವಾ ನಕೊತಸ್ಲಾ ವಾದ್ ವಿವಾದ್ ಉರಿವ್ತ ದೇವಾಚಾ ಕಾಮಾಲಾ ಉಪ್ಯೋಗ್ವಾಹಿ ದೇವಾಚ್ ಕಾಮ್ ಇಸ್ವಾಸಾನಿಸ್ ವ್ಹತ ದೇವಾಚೆ ಯೊಜನೆಚೆಗತ್ ಕರಿತ್ನಾಹಿತ ಮನ್ವುನ್ ಸಾಂಗ್ತೊ.

5 ಹೆ ಆಜ್ಞೆಚಾ ಉದ್ದೆಶ್ ಮಾಯಾ ಜಾಲೆ, ಹ್ಯ ಚಾಂಗ್ಲ ಮನ್ ಆನಿ ಚಾಂಗ್ಲಿ ಯವಜ್ಞಾ ಆನಿ ಇಸ್ವಾಸಾನಿ ಯತ

6 ಥುಡಿ ಲೊಕ ಹೆ ಗುಶ್ಟಿನಿ ವಾಟ್ ಚುಕುನ್ ಗೆಲ್ಯಾತ ಆನಿ ಮುರ್ಕ ಫನಾಚಾ ವಾಗ್ವಾದಾತ್ ಜಾಪುನ್ ಗಾಹುನ್ ಪಡ್ಲ್ಯಾತ.

7 ತ್ಯನಾ ದೇವಾಚಾ ನೇಮಾಂಚಾ ಮಾಸ್ತರ್ ವ್ಹಯಾಚಿ ಆಶಾ ಹಾ, ಫನ್ ತೇ ಆಪ್ಲ್ಯಾ ಸ್ವತಾಚಾ ಬೊಲ್ಯಾಸ್ ಸಮಜುನ್ ಗಿಹಿತ್ ನಾಹಿತ ಕಚಿ ಗುಶ್ಟಿಲಾ ತೇ ಆಪ್ಲ್ಯಾ ಆತ್ಮ ಇಸ್ವಾಸಾನಿ ಸಾಂಗ್ತ್ಯಾತ ತ್ಯಬಿ ತೇ ಸಮಜುನ್ ಗಿಹಿತ್ನಾಹಿತ.

8 ಧರ್ಮಶಾಸ್ತ್ರಾರಾಚಾ ಆಜ್ಞಾ ಚಾಂಗ್ಲ ಫನ್ ತ್ಯ ಶಾರ್ಕ್ಯಾ ಚಾಲ್ವಾಯಾ ಪಾಯ್ತಾ.

9 ಹೃ ಯಾದ್ ಥೆವಾಯಾ ವ್ಹಯಿ ಖರ್ರಾನಿ ಫಾಂಗಲ್ಯಾ ಲೊಕಾನಾ ಧರ್ಮಶಾಸ್ತಾರ್ ರಚಿವಲ್ ನಾಹಿ ಫನ್ ನೆಮ್ ಪಾಳಿತ್ ನಸ್‌ಲ್ಯಾಲ್ಯಾ ಲೊಕಾನಾ ಭುಕಿಚಾನಾ ಭಕ್ತಿ ಸನ್‌ಲ್ಯಾನಾ ಆನಿ ಪಾಪಿನಾ ಪರಿಶುದ್ಧ ನಸ್‌ಲ್ಯಾಲ್ಯಾನಾ ಆನಿ ಆತ್ಮಿಕತೆ ನಸ್‌ಲ್ಯಾಲ್ಯಾನಾ ಆನಿ ಆಯಿಬಾಫಾ ಖುನ್ ಕರ್ತ್ಯಾಲ್ಯಾನಾ ಆನಿ ಖುನ್‌ಶಾನಾ.

10 ವ್ಯಬಿಚಾರಿನಾ ಆನಿ ಅನ್ಯೈತಿಕ್ ಕರ್ತ್ಯಾಲ್ಯಾನಾ ಸಲಿಂಗಾಮಿನಿ ಆನಿ ಗುಲಾಮ್ ವ್ಹತ್ಯಾಲ್ಯಾನಾ ಲಬಾಡ್ಯಾನಾ ಆನಿ ಲಬಾಡ್ ಸಾಕ್ಷಿ ಸಾಂಗ್‌ತ್ಯಾಲ್ಯಾನಾ ಆನಿ ಫಾಂಗಲ್ಯಾ ಸಿದ್ಧಾಂತನಾ ಇರೋದ್ ಕರ್ತ್ಯಾಲ್ಯಾಂಚೆ ಸಾಟಿ ಹಾ.

11 ಬರೆ ಖಬರಿತ್ ಗಾವಲ್ಯಾಲ ತ್ಯಾಚಾಂಗ್ಲೆ ಶಿಕ್ವನ್ ಸಾಂಗಾಯಾಸಾಟಿ ಮನಾ ದಿಲ್ಯಾಹಿ ಬರಿ ಖಬರ್ ಮೈಮೆನಿ ಆನಿ ಆಶಿರ್ವಾದಾಚಾ ದೇವಾನಿ ಬರ್‌ಲ್ಯಾ.

ದೇವಾಚೆ ದಯೆಸಾಟಿ ಪ್ರತಿ ಉಪ್ಕಾರ್

12 ಮಿ ಮಾಜಾ ಪ್ರಭು ಜಾಲ್ಯಾಲ್ಯಾ ಯೇಸು ಕ್ರಿಸ್ತಾಲಾ ಕ್ರತಜ್ಞತಾ ಸ್ತುತಿ ಕರ್ತೊ. ತ್ಯಾನಿ ಮನಾ ಮಾಜಾ ಕಾಮಾತ್ ಬಳ್ ದಿಲ್ಯಾ ಕಾ ಮಂಜೆ ತ್ಯಾನಿ ಮನಾ ಇಸ್ವಾಸಾಫಾ ಮನ್ವುನ್ ಆಪ್ಲೆ ಸೇವೆಲಾ ನಿವಡ್ಲಾ.

13 ಆಂದಿ, ಮೀ ಕ್ರಿಸ್ತಾಲಾ ಆಡ್ವಾ ಬೊಲ್ಯಾಲೊ ತರಾಸ್ ದಿಲ್ಯಾಲಾ ತ್ಯಾಲಾ ದುಖ್ ವ್ಹಯಿಜೊಗ ಕಾಮ ಕೆಲ್ಯಾಲಾ ಫನ್ ಮೀ ಕ್ಯಾ ಕರ್ತೊ ಮನ್ವುನ್ ಮನಾ ಸಮಾಜ್ಲೆ ನವ್ಲೆ ಮನ್ವುನ್ ದೇವಾನಿ ಮನಾ ಕರ್ನಾ ದ್ಯಾವ್ಲಿ ಇಸ್ವಾಸ್ ಥೆವಾಚೆ ಆಂದಿ ಮೀ ತ್ಯಾಸಗ್ಳೆ ಕರಿತೊ.

14 ಆನಿ ಪ್ರಭುನಿ ಆಪ್‌ಲ್ಯಾ ಅನುಗ್ರಹಾನಿ ಮಾಜಿವ ಖುಬ್ ವತ್ಲೆ ಆನಿ ಇಸ್ವಾಸ್ ಆನಿ ಮಾಯಾ ದಿಲಿ ತೀ ಆಮ್ಚಾ ಯೇಸು ಕ್ರಿಸ್ತಾಚೆ ಯಕಿತ್ ಹಾ.

15 ಮೀ ಸಾಂಗ್‌ತ್ಯಾಲ್ಯಾ ಹ್ಯಾ ಗುಶ್ಟಿ ಖರ್ರಾ ತ್ಯಾ ಕ್ಯಾ ಮಂಝೆ ಪಾಪಿನಾ ರಾಖಾಯಾ ಯೇಸು ಕ್ರಿಸ್ತ್ ಹ್ಯಾ ಲೊಕಾತ್ ಜಲಾಮ್ಲಾ. ತ್ಯಾ ಪಾಪಿತ್ಲಿ ಮೀಚ್ ಆಂದಿಚಾ.

16 ಫನ್ ದೇವಾನಿ ಮಾಜಿವ ದಯಾ ದ್ಯಾವ್ಲಿ ಹ್ಯಾಚಿನ್ ಲಾಗುನ್ ಕ್ರಿಸ್ತ ಯೇಸು ಯಕಾ ಮೊಟ್ಯಾ ಪಾಪಿಚೆಗತ್ ಮನಾ ಉಪೇಗ್ ಕರುನ್ ಮೊರ್ಡ್ಲೆ.

ಜಾಯಿತ್ ಲೊಕ ಕೊನ್ ತ್ಯಚಿವ ಇಸ್ವಾನ್ ಧೆವ್‌ತ್ಯಾತ ತ್ಯಂಚಿಸಾಟಿ ಶಾಶ್ವತ್ ಜೀವ್ ಗಾವಾಯಾಸಾಟಿ ಯಕ ಉದಾರನೆಚಾ ರುಪಾತ್ ಮನಾ ರಚುನ್ ಆಪ್ಲಾ ಪುರಾ ಸಮಾದಾನ್ ಮನಾ ದ್ಯಾವ್ಲಾ.

17 ಆತಾ ತ್ಯಾ ಅನಂತ್ ರಾಜಾಲಾ, ನಾಸ್ ವ್ಹಯಿತ್ ನಸ್‌ಲ್ಯಾಲಾ ಆನಿ ಅದ್ರಶ, ಯೊಕುಸ್ ಯೊಕ್ ದೇವ್ ತ್ಯಚಿ ಮೈಮಾ ಆನಿ ಸನ್ಮಾನ್ ಕವಾಕವಾಬಿ ರಾಹುನಿ. ತಸಸ್ ವ್ಹವುನಿ.

18 ತಿಮೊಥ್ಯಾ ಮಾಜಾ ಲೇಕಾ ಮೀ ತುಲಾ ಹುಕುಮ್ ದೇತೊ ಪ್ರವಾದಿಂಚಾ ವಚನಾಂಚೆಗತ್ ಪೈಲ್ಯಾನಿಸ್ ತುಜೆ ಗುಶ್ಟಿತ್ ಪ್ರವಾದನೆ ಕಿಲ್ತಿ ತ್ಯಾ ಸಬ್ದಾನಾ ತುಜೆ ಹತ್ಯಾರಿ ಕರ್ ಹ್ಯಚಿಸ್ ಲಾಗುನ್ ತು ಮುಟಿ ಲಡಾಯಿ ಕರಾಯಾ ವ್ಹಯಿ.

19 ತುಜಾ ಇಸ್ವಾನ್ ಆನಿ ಚಾಂಗ್ಲಿ ಮನಾಚಿ ವಳಕ್ ಘಟ್ ದರೞ್ನ್ ರೞ್ಲಾಧೊಡ್ಯಾಂಚಾನಿ ಆಕ್ಲಿಮನಾಚಿ ವಳಕ್ ಆನಿ ಇಸ್ವಾನ್ ನಾಸ್ ಕರುನ್ ಗೆತಲ್ಯಾ.

20 ಹುಮೆನಾಯಾ ಆನಿ ಅಲೆಗ್ಸಾಂಡರ್ ತ್ಯಂಚಾನಿ ತಸಸ್ ಕೆಲ. ದೇವಾಚೆ ಆಡ್ವ ಬೊಲಾಚೆ ನವ್ವಮನ್ವನ್ ಹ್ಯನಾ ಅಕ್ಕಲ್ ಯಯಾ ತ್ಯನಾ ಸೈತಾನಾಚಾ ಹಾತಾತ್ ದಿಲ.

2

ಸಬೆಚ್ ವವ್ಯಾಳ್

1 ಸಗ್ಳಾಂಚೆ ಆಂದಿ ಮಿ ತುಮಾನಾ ಸಾಂಗಾಚ್ ಕ್ಯಾ ಮಂಜೆ ಸಗ್ಳಾ ಲೊಕಾಂಚಿಸಾಟಿ ದೇವಾಪ ಮಾಗ್ನ ಕರಾ ವಿನಂತಿಕರಾ ತ್ಯನಾ ಉಪ್ಕಾರಾಚಾ ಧನ್ಯಾವಾದ್ ಸಾಂಗಾ.

2 ಆಮಾನಾ ಸುಕ ಸಮಾದಾನ ಗಾಹುನ್ ಆಮಿ ಪುರಾ ಬಖ್ತಿನಿ, ಮರೆದಿನಿ ಜಿವ್ವಾ ಕರಾಯಾ, ರಾಜಾಂಚಿಸಾಟಿ ಸಗ್ಳಾ ಅಧಿಕಾರಿಂಚಿಸಾಟಿ ಮಾಗ್ನ ಕರಾಯಾ ವ್ಹಯಿ.

3 ಹ್ಯೆ ಚಾಂಗ್ಲೆ ಹಾ ಆನಿ ಆಮ್ಚಾ ರಾಖಂದಾರ್ ಜಾಲ್ಯಾಲ್ಯಾ ದೇವಾಲಾ ಆವಾಡತ್ಯಾಲ ಜಾಲ್ಯಾ.

4 ಸಗ್ಳಾಂಚಿ ರಕ್ಷಣ್ ವ್ಹಯಾವ್ಹಯಿ ಆನಿ ಸಗ್ಳಾಂಚಾನಿ ಖರ ಗಿನ್ಯಾನ್ ಸಮಜುನ್ ಗಿಹ್ಯಾ ವ್ಹಯಿ ಮನ್ಹುನ್ ತ್ಯಚ್ ಮನ್.

5 ದೇವ್ ಯೊಕುಸ್, ದೇವಾಚೆ ಆನಿ ಮಾನ್ಸಾಚೆ ಮದ್ಲಾ ಯೊಕುಸ್. ತ್ಯೊಸ್ ಮಾನುಸ್ ಜಾಲ್ಯಾಲಾ ಕ್ರಿಸ್ತ ಯೇಸುಸ್.

6 ತ್ಯನಿ ಸಗ್ಳಾ ಲೊಕಾಂಚೆ ಜಾತಿಲಾ ರಾಖಾಯಾ ಆಪ್ಲ್ಯಾಲಾ ಆಪ್ನುಸ್ ಜಾಮಿನ್ ದಿಲಾ. ದೇವ್ ಸಗ್ಳಾನಾ ರಾಖಾಯಾ ಮನ್ ಕರ್ತೊ ಹ್ಯ ಶಾಕ್ಯಾ ಯಳಾಲಾ ಸಾಬಿತ್ ಜಾಲ್ಲ್ಯಾ

7 ಆನಿ ಹೆಸ್ ಸಾಬಿತ್ ಜಾಲ್ಯಾಲೆ ಗುಶ್ಟಿತ್ ಸಾಂಗಾಯಾ ಮನಾ ಯೊಕ್ ಸಾಂಗ್ತಾರಾ ಆನಿ ಅಪೊಸ್ತಲ್ ಕರುನ್ ನಿವಡ್ಲಾ ಮಿ ಹ್ಯ ಖರ ಸಾಂಗ್ತೊ ಲಬಾಡ್ ಸಾಂಗಿತ್ಲಾಹಿ. ಮನಾ ಯೆಹುದ್ಯ ನಸ್ಲ್ಯಾಲ್ಯಾ ಲೊಕಾಂಚೆಸಾಟಿ ಇಸ್ವಾಸಾನಿ ಆನಿ ಖರ್ಯಾನಿ ಸಿಕವಾಯಾ ಥರಿವ್ಲ್ಯಾ

8 ಹ್ಯಚಿಸಾಟಿ ಮಾಜಿ ಆಶಾ ಜಾಲೆ ಸಗ್ಳಾ ಜಾಗ್ಯಾನ್ನಿ ಗಡ್ಯಾಂಚಾನಿ ಮಾಗ್ನ್ ಕರಾಯಾ ವ್ಹಯಿ ಆನಿ ದೇವಾಚ್ಚಿ ನಿವಡ್ಲ್ಯಾಂ ಆಪ್ಲ ಪವಿತ್ರ ಹಾತ್ ಉಚ್ಫುನ್ ರಾಗ್ ನಸ್ಥಾನಾ ಆನಿ ವಾದ್ ನಸ್ಥಾನಾ ಮಾಗ್ನ್ ಕರಾಯಾ ವ್ಹಯಿ.

9 ತಸಸ್ ಬ್ಯಾಯ್ಕಾ ಮಾನ್ಸಾಚ್ಚಿ ಮೀ ಮನ್ ಕರ್ತೊ ತೀ ಸಾಜ್ಜಸೊಬಸಾರ ಆನಿ ಚಾಂಗ್ಲ ಮರೆದಿಚ್ ಕಪ್ಪ ಗಾಲ್ವಾಯಾ ವ್ಹಯಿತ ಆನಿ ಕೆಸ ಶಾದ್ರಿ ಕರಾಯಾ ಸಾಟಿ ಖುಬ್ ಅಲಂಕಾರ್ ಕರುನ್ಗಿಹುನಾಹಿ ಸೊನ ಆನಿ ಮುತ್ತು ಆನಿ ಖುಬ್ ಕಿಮ್ತಿಚ್ ಕಪ್ಪ ಗಾಲ್ವುನಾಹಿತ.

10 ಫನ್ ಆಸ್ಲ್ಯಾ ಬ್ಯಾಯ್ಕಾಮಾನ್ಸಾನಾ ಆಪ್ಲ್ಯಾಲ್ಯಾಸ್ ಆಪ್ಲು ದೇವಾಚಿ ಭಕ್ತಿನ್ ಮನ್ಹುನ್ ಗೆಥಿ ಮನ್ಹುನ್ ತ್ಯಚಿಸಾಟಿ ಹ್ಯ ಚಾಂಗ್ಲ ಹಾ. ತೀ ಆಪ್ಲ್ಯಾಲಾ ಸಗ್ಳಾ ಕಾಮಾನಾ ಚಾಂಗ್ಲಿ ದಿಸತ್ಯಾತ್.

11 ಬ್ಯಾಯ್ಕಾಮಾನ್ಸ ಶಾಂತ್ಲನಾನಿ ಸಿಕಾಯಾ ವ್ಹಯಿ ಆನಿ ಸಗ್ಳೆ ತರನಿ ಆಪ್ಲ್ಯಾಲಾ ಆಪ್ನುನ್ ವಪ್ಸುನ್ ದಿಯಾವ್ಹಯಿ.

12 ತ್ಯಂಚಾನಿ ಗಡ್ಯಾನಾ ಸಿಕ್ವಾಯಾ ತ್ಯಂಚಿವ ಹಾಕ್ ಚಾಲ್ವಾಯಾ ಮೀ ವಚ್ಚಿ ದಿಯಿತ್ ನಾಹಿ ತ್ಯಂಚಾನಿ ಗಪ್ ರಾಹ್ಯಾವ್ಹಯಿ.

13 ಕಾ ಮಂಜೆ ಆಂದಿ ಜಾಲ್ಯಾಲಾ ಆದಾಮ್. ನಂತರ್ ಹವ್ವಾ ಜಾಲಿ.

14 ಆನಿ ಸೈತಾನಾಪ್ಪಿ ಫಸ್‌ಲ್ಯಾಲಾ ಆದಾಮ್ ನವ್ವ ಬ್ಯಾಯ್ಕಾಮಾನುಸ್ ಫಸುನ್ ಆನಿ ತಿನಿ ದೇವಾಚಾ ನೆಮ್ ಮುಡುನ್ ಪಾಪಿ ಜಾಲಿ.

15 ಫನ್ ಬ್ಯಾಯ್ಕಾಮಾನ್ ಇಸ್ವಾಸಾನಿ ಮಾಯೆನಿ ಪವಿತ್ರಾನಿ ಆನಿ ನಮ್ರತೆತ್ ರಾಯ್‌ಲ್ಯಾವ ಪೋರ್ಗ್ಯಾನಾ ಜಲ್ಮ ದೇತಾನಾ ತ್ಯನಾ ರ್ಯಾಕ್ಸಾರ್.

3

ಸಬೆಚ್ಚ ಜಾಂತ

1 ಮೀ ಸಾಂಗ್‌ಲ್ಯಾಲ್ಯಾ ಹ್ಯಾ ಗುಶ್ಟಿ ಖರೈ ಜಾಲ್ಯಾತಾ ತ್ಯಾ ಕ್ಯಾ ಮಂಜೆ ಮೆಳ್ಳಾತ್ಲಾ ಜಾಂತಾ ವ್ಹಯಾ ಖುಬ್ ಯತ್ನ ಕರ್ತಾಲಾ ಚಾಂಗ್ಲಿ ಕಾಮ ಕರಾಯಾ ಮನ್ ಕರ್ತಾಲಾ ಜಾಲ್ಯಾ.

2 ಆಮಿ ಆನಿ ಆಮ್‌ಚ್ಚ ಬಾಹು ದೆವಾಸಾಟಿ ಕ್ರಿಸ್ತಾಚಿ ಬರಿ ಖಬರ್ ಸಾಂಗಾಚಾತ್ ಮಾಜೆ ಸಂಗಚಾ ಕಾಮ್ಗಾರಿ ಜಾಲ್ಯಾಲ್ಯಾ ತಿಮೋತ್ಯಾಲಾ ತುಮಾನಾ ಘಟ್ ಕರಾಯಾ ಆನಿ ಇಸ್ವಾಸಾತ್ ಉಮೆದ್ ದಿಯಾ ತುಮಚಿಪ ಆಂದಿ ಲಾವುನ್ ದಿಲ.

3 ತರಾಸ್ ದೆತ್ಯಾಲಾ ರಾಹು ನಾಹಿ ತ್ಯೊ ಚಾಂಗ್ಲಾ ಮಾನುಸ್ ಆನಿ ಥಂಡ್ ಮನಾಚಾ ರಾಹ್ಯಾ ವ್ಹಯಿ ಪೈಶಾಂಚಿ ಆಸೆ ಕರ್ತಾಲಾ ರಾಹು ನಾಹಿ. ಆಮಿ ತರಾಸ್ ಸುಸ್ಪುನ್ ಗಿಹ್ಯಾಚಾ ದೇವಾಚಾ ಮನಾಚೆಗತ್ ಮನ್ವುನ್ ಆಮಾನಾ ರಾವ ಹಾ.

4 ಆಪ್ಲು ಆಪ್‌ಲ್ಯಾ ಸ್ವತಾಚಾ ಕುಟ್ಮಾಲಾ ಚಾಂಗ್ಲಾ ಧನ್ವಿ ವ್ಹಪುನ್ ರಾಹ್ಯಾ ವ್ಹಯಿ. ತ್ಯಚಿ ಪ್ಯುರ್ಗಿ ತ್ಯನಿ ಸಾಂಗ್‌ಲ್ಯಾ ಶಾರ್ಕ್ ಚಾಲತ್ಯಾಲಿ ಸಗ್ಳಿ ಮರೈದ್ ದಿವುನ್ ರಾಹ್ಯಾ ವ್ಹಯಿತ ಮನ್ವುನ್ ಹ್ಯಚಾ ಆರ್ಥ್.

5 ಯಕ ಯಳಿ ಆಪ್ಲಾ ಸ್ವತಾಚಾ ಕುಟ್ಮಮ್ ಸಂಬಾಳಾಯಾ ಸಮಜ್‌ತ್ ನಸ್ಸಾರಾ ದೇವಾಚಿ ಸಬೆ ಕಸಿ ಸಂಬಾಳ್ತಾರ್?

6 ತ್ಯೊ ನವಾ ಇಸ್ವಾಸಿ ರಾಹುನಾಹಿ. ನವ್ಯಾ ಇಸ್ವಾಸಿಲಾ ಸಬೆಚಾ ಜಾಂತಾ ಕೆಲ್ಯಾವ ತ್ಯಲಾ ದಿಮಾಕ್ ಯನಾರ್ ಸೈತಾನ್ ತ್ಯಚಾ ದಿಮಾಕಾಸ್ ಲಾಗುನ್ ಚುಕಿತ್ ಗಾಹುನಾಹಿ ಮನ್ವುನ್ ಹ್ಯೊ ಚುಕಿತ್ ಗಾವ್ತಾರ್.

7 ಸಬೆಚ್ಚಾ ಜಾಂತಾ ಸಭೆತ್ ನಸ್‌ಲ್ಯಾಲ್ಯಾ ಲೊಕಾಂಚೆ ಮರ್ಮಾಡಿಚಾ ವ್ಹಪುನ್ ರಾಹ್ಯಾ ವ್ಹಯಿ ತವಾ ತ್ಯೊ ಆನಿ ದುಸ್ಮರ್ಮಾಂಚಿಪಿ ಹಿರಮಟ್ನಾ ಕರುನ್ ಗಿಹಿತ್ ನಾಹಿ, ಸೈತಾನಾಚಾ ಭಾಚಾತ್ ಗಾಹುನ್ ಪಡತ್ ನಾಹಿ.

ಸಬೆಚ್ಚ ಸೇವಕ್

8 ಆಸ ಸಭೆತ್ ಸಬೆಚ್ಚ ಸೇವಕ್ ಸಾಹಿತ್ ಮರ್ಮಾದ್ ಗೆತ್ಯಾಲಾ ರಾಹ್ಯಾ ವ್ಹಯಿತ. ಆನಿ ತ್ಯಂಚಿ ಬುಲಿ ದೊನ್ತರಚಿ ರಾಹುನಾಹಿ ಇಸ್ವಾಸಾಚಿ ರಾಹ್ಯಾ ವ್ಹಯಿ. ದಾರು ಪಿನಾರಾ ರಾಹುನಾಹಿ. ಪೈಶಾಚಿ ಆಶಾ ರಾಹುನಾಹಿ.

9 ಇಸ್ವಾಸಾಚ್ ಖರ ಶಾರ್ಕೆ ಬುದ್ಧಿನಿ ಚಾಂಗಲ್ಯಾ ಮನಾನಿ ದರ್ಮ್ನ್ ರಾಹ್ಯಾ ವ್ಹಯಿ.

10 ತ್ಯಂಚಿ ತು ಆಂದಿ ಪಾರಕ್ ಕರ್. ತ್ಯಂಚಿಪ ಕಾಯೆಕ್ ಬುರ್ಸ ನಸ್ತ. ಸೇವಕ್ ವ್ಹಪುನ್ ಸೇವೆ ಕರುಂತ.

11 ಆಸ್ವಸ್ ಸಭಾಸೇವಕಿ ಜಾಲ್ಯಾಲ್ಯಾ ಬ್ಯಾಯ್ಕಾಮಾನ್ಸ್ ಲೊಕಾಂಚಿಪಿ ಮರ್ಮಾದಿ ಗೆಡ್ಯಾಲ್ಯಾ ವ್ಹಪುನ್ ರಾಹ್ಯಾ ವ್ಹಯಿತಾ. ತ್ಯಾ ದುಸ್ಮರ್ಮಾ ಲೊಕಾಂಚಾ ಚಾಡ್ಯಾ ಸಾಂಗ್‌ತ್ಯಾಲ್ಯಾ ರಾಹು ನಾಹಿತಾ. ತ್ಯಾ ಥಂಡ್ಲನ್ ವ್ಹಪುನ್ ರಾಹ್ಯಾ ವ್ಹಯಿತಾ; ಸಗ್ಳ್ಯಾ ಗುಶ್ಟಿತ್ ಇಸ್ವಾಸಾನಿ ರಾಹ್ಯಾ ವ್ಹಯಿತಾ.

12 ಸಭೆತ್‌ಲ್ಯಾ ಸೇವಕಾಲಾ ಯೇಕುಸ್ ದನ್ಗರ್ ರಾಹ್ಯಾ ವ್ಹಯಿ ತ್ಯಂಚಾನಿ ಆಪ್‌ಲ್ಯಾ ಮುಲಾನಾ ಆನಿ ಕುಟ್ಮಾನಾ ಚಾಂಗ್ಲಿ ವ್ಹಪುನ್ ರಾಹ್ಯಾ ವ್ಹಯಿತ.

13 ಚಾಂಗಲ್ಯಾ ಮಾರ್ಗಾನಿ ಸೇವೆ ಕರ್ತ್ಯಾಲ್ಯಾ ಲೊಕಾನಾ ಕುರಬಿ ಮರೆದಿಚಾ ಜಾಗಾ ಗಾವ್ತೊ. ಕ್ರಿಸ್ತ ಯೇಸುವ ಆಪ್‌ಲ್ಯಾಲಾ ಆಸ್‌ಲ್ಯಾಲಾ ಇಸ್ವಾಸಾಸೆ ಗುಶ್ಟಿತ್ ತೇ ಘಟ್ ರಾಧ್ಯಾತ್.

ಮುಟಿ ಗುಟ್

14 ಮಿ ಆಶೆನಿ ಹ್ಯ ಪತ್ರ ಇಸ್ವಾಸಾನಿ ತುಮಾನಾ ಲಿವ್‌ತ್ಯೊ ಮಿ ಬಿಗಿನಿ ತುಜಿಪ ಯನಾರ್.

15 ಫನ್ ಯಕ್ ವೆಳಿ ಮೀ ಯಯಾ ಯೊಳ್ ಜಾಲ್ಲ್ಯಾತರಿ ದೇವಾಚಾ ಕುಟ್ಮಾತ್ ತ್ಯ ಜೀವ್ ಆಸ್ಸಾರೆ ದೇವಾಚೆ ಸಬೆತ್ ಚಾಲಾಚಿ ರಿತ್ ತುಲಾ

ಸಮಜಾಯಾ ಹ್ಯ ಪತ್ರ ಲಿವಲ್ಯಾ ಕಾ ಮಂಜೆ ಸಭೆಸ್ ಖರಲ್ಯಾಲಾ ದಾರ್ಲೊನ್ ಆನಿ ಆಧಾರ್ ಜಾಲ್ಯಾ

16 ಆಮ್ಚಾ ದೇವಾಪ ಭಕ್ತಿಚಾ ಜೀವ್ವಾಚಿ ಖರಿ ಗುಟ್ ಗಂಬಿರ್ ಜಾಲ್ಯಾಲಿ ಮನ್ವುನ್ ಆಮಿ ಸಗ್ಳಿ ಮ್ಯಾನ್ತಾವ್, ತ್ಯಾ ಕ್ಯಾ ಮಂಜೆ-
ಕ್ರಿಸ್ತ ಮಾನ್ವಾಚಾ ರುಪಾತ್ ದಿಸ್ಲಾ
ಆನಿ ಆತ್ಮ್ಯಾನ್ ತ್ಯಲಾ ಖರ ದಾವುನ್ ದಿಲ
ದೇವ್ ದುತಾಸ್ ಲಾಗುನ್ ದಿಸ್ಲಾ
ಲೊಕಾಂಚೆ ಮದ್ದಿ ಸಾಂಗ್ಲೆ.
ದುನೆನಿ ತ್ಯಾಚಿವ ಇಸ್ವಾಸ್ ಥೆವ್ಲಾ
ಆನಿ ಮೈಮೆನಿ ತ್ಯಲಾ ಸ್ವರ್ಗಾತ್ ಉಚ್ಚಲ್ಯಾ.

4

ಲಬಾಡ್ ಸಿಕಿವ್ವಾರ್

1 ಆತ್ಮ ಶಾರ್ಕ್ ಸಾಂಗ್ತ, ಮೊರ್ದಯತ್ಯಾಲ್ಯಾ ದಿಸಾತ್ ಥುಡಿ ಲೊಕ ಇಸ್ವಾಸಾತ್ನಿ ದುರ್ ವ್ಹನಾರ್ ತೀ ಲಬಾಡ್ ಆತ್ಮ್ಯಾಚೆಗತ್ ಪ್ಯಾಳ್ವಾರ್ ಆನಿ ಸೈತಾನ್ ಸಿಕಿವ್ತ್ಯಾಚೆಗತ್ ಚಾಲ್ವಾರ್.

2 ಹಿ ಸಿಕ್ವಾ ಉಗಸ್ ಸಾಂಗ್ತ್ಯಾಲ್ಯಾನಾ ಆನಿ ಮೋಸ್ ಕರ್ತ್ಯಾಲ್ಯಾ ಲೊಕಾಂಚಿಪ ಪಗಾಳ್ತೆ. ತಾಪ್ಲ್ಯಾಲ್ಯಾ ಲೊಖಾಂಡಾನಿ ಜುಳುನ್ ರಾಕ್ ವ್ಹತ್ಯಾಚೆಗತ್ ತ್ಯಂಚ್ ಗಿನ್ಯಾನ್ ಹಾಳ್ ಜಾಲ್ಯಾ.

3 ಆಸ್ಲಿ ಲೊಕ ಲಗಿನ್ ಕರುನ್ ಗಿಹ್ಯಾಚ್ ಆನಿ ಥೊಡ ಜಿವ್ವಾಚ್ ಜಿನೊಸ್ ಖಾವುನಾಹಿ ಮನ್ವುನ್ ತೇ ಸಾಂಗ್ತ್ಯಾತ್. ಫನ್ ಇಸ್ವಾಸ್ ಅಸಲ್ಯಾಲಿ ಆನಿ ಖರ ಸಮಜುನ್ ಗೆತಲ್ಯಾಲಿ ದೇವಾಲಾ ದನ್ಯವಾದಾಚ್ ಮಾಗ್ನ ಕರುನ್ ತ್ಯಾ ಜೀವಾನ್ ಖಾವುಂತ ಕಾ ಮಂಜೆ ತ್ಯಾ ಸಗ್ಳೆ ಕೆಲ್ಯಾಲ ತ್ಯನಿಸ್.

4 ಕಾ ಮಂಜೆ ತ್ಯನಿ ಕೆಲ್ಯಾಲ ಪರತೇಕ್ ಯಾಕ್ ಚಾಂಗ್ಲೆ ಹಾ. ಕಚ್ಚಸ್ ಸಾಮಾನ್ ನಕ್ವಾಟ್ ಕರಾಚ್ ನಾಹಿ ಸಗ್ಳಿ ಸಾಮ್ನ ದನ್ಯವಾದಾಚ್ ಮಾಗ್ನ ಕರುನ್ ಗಿಹ್ಯಾ ವ್ಹಯಿತ.

5 ಕಾ ಮಂಜೆ ದೇವಾಚಾ ವಚನಾನಿ ಆನಿ ಮಾಗ್‌ನ್ಯಾನಿ ತ್ಯಾ ದೇವಾಲಾ ಮಾನ್ಯಾ ಜಾಲ್ಯಾ

ಕ್ರಿಸ್ತ ಯೇಸುಚಾ ಚಾಂಗ್ಲಾ ಸೇವಕ್

6 ತಿಥ ಆಸ್‌ಲ್ಯಾಲ್ಯಾ ಇಸ್ವಾಸಿ ಭನ್ ಬಾವ್ತಾಂಡಾನಾ ಹ್ಯಾ ಗುಶ್ಟಿ ಸಾಂಗ್‌ಲ್ಯಾವ. ತು ಕ್ರಿಸ್ತ ಯೇಸುಚಾ ಚಾಂಗ್ಲಾ ಸೇವಕ್ ವ್ಹಸಿಲ್. ತ್ಯಾಚೆ ಬಾಳಗ್ಲೆ ಇಸ್ವಾಸಾಚೆ ಆನಿ ಖರ್ಚ್ಯಾ ಸಿಕ್ವನಾಚೆಗತ್ ವ್ಹತ್ತ. ತ್ಯಾತು ಗೆತಲ್ಯಾಸ್.

7 ಫನ್ ಮಾಥಾರಿಂಚಾ ಭಕ್ತಿ ನಸ್‌ಲ್ಯಾಲ್ಯಾ ಲಬಾಡ್ ಕಾಯನ್ಯಾತ್ಲಿ ದುರ್ ರ್ಲ್ಹಾ ಭಕ್ತಿಚಾ ಜೀವ್ನಾ ಚಾಲ್ತಾಯಾಸಾಟಿ ತುಲಾ ತುಸ್ ತರಬೇತಿ ಫೆ.

8 ತುಜಾ ಶರೀರಾಚಾ ವಾಯಾಮಾನಿ ಥೊಡಾ ಫಾಯ್ದಾ ವ್ಹನಾರ್ ಫನ್ ಭಕ್ತಿಚಾ ಜೀವ್ನಾಚಾ ಸಗ್ಳೆ ತರನಿ ಫಾಯ್ದಾ ಹಾ ಕಾ ಮಂಜೆ ಹ್ಯಾತ್ ಆತಾಚಾ ಕಾಲ್ ಆನಿ ಮೊರ್ಲ್ಯಾಲ್ಯಾ ಜೀವ್ನಾಲಾ ದಿಲ್ಯಾಲಾ ವಾಗ್ದಾನ್ ಮಿಳಾಲ್ಯಾ

9 ಹ್ಯಾ ಸಾಂಗ್ಲೆ ಖರ ಜಾಲ್ಯಾ ಆನಿ ಹಿ ಬುಲಿ ಪುರೆ ತರನಿ ಸ್ವಿಕಾರ್ ಕರಾಯಾ ಆನಿ ಇಸ್ವಾಸ್ ಥೆವಾಯಾ ಲಾಯಕ್ ಹಾ.

10 ಆನಿ ಆಮಿ ಕರಿನ್ ತರಾಸ್ ಕಾಡುನ್ ಆಮಿ ಆಮ್ಚಿ ಆಶಾ ಜೀವ್ ಆಸ್‌ಲ್ಯಾಲ್ಯಾ ದೇವಾವ ಥೆವ್‌ಲ್ಯಾ ಆನಿ ಖುಬ್ ತರನಿ ಇಸ್ವಾಸಾತ್ ಆಸ್‌ಲ್ಯಾಲ್ಯಾನಾ ರಾಖನ್ನಾರ್ ಜಾಲ್ಯಾ

11 ಹ್ಯಾ ಗುಸ್ತಿ ತ್ಯಾನಾ ಸಾಂಗ್ ಆನಿ ಸಿಕಿವ್.

12 ತು ಪೊರ್ಗಾ ಹಾಸ್ ಕುನಿ ತುಜಾ ಗಾಳ್ ಕರುನ್ ಬಗುನಾಹಿ ಫನ್ ಇಸ್ವಾಸಿನಾ ತುಜಾ ಬೊಲ್‌ನ್ಯಾ ಚಾಲನ್ಯಾನಿ ಮಾಯೆನಿ ತುಜಾ ಇಸ್ವಾಸ್ ಆನಿ ಪವಿತ್ರ ಜೀವ್ನಾನಿ ಸಗ್ಳಾಳ್ಯಾನಾ ಉದಾಹರನ್ ವ್ಹವುನ್ ರ್ಲ್ಹಾ

13 ದೇವಾಚಿ ವಚನ ಲೊಕಾನಾ ವಾಚಪುನ್ ಸಾಂಗುನ್ ತ್ಯಾನಾ ಸಾಂಗ್ ಆನಿ ಸಿಕಿವ್ ಮೀ ಯಯಿ ಪರತ್ ಹಿ ಕಾಮ ಕರಿತ್ ರ್ಲ್ಹಾ

14 ತುಜಿಪ ಆಸ್‌ಲ್ಯಾಲ ವರದಾನ್ ನಕಾರ್ ಕರುನಕೊ ತುಲಾ ಪ್ರವಾದನೆಚಾ ರುಪಾತ್ ಆನಿ ಜಾಂತ್ಯಾಂಚಾನಿ ಆಪ್ಲ ಹಾತ್ ತುಜಿವ ಥೆವ್ನ್ ತವಾ ತ್ಯಾ ವರದಾನ್ ತುಲಾ ದಿಲ್ಯಾ

15 ಹಿ ಕಾಮ ಕರೀತ್ ತ್ಯಂಚೆಸ್ ಗುಂಗಿತ್ ರ್ಲ್ಹಾ ಕಾ ಮಂಜೆ ತುಜಿ ಪ್ರಗತಿ ಸಗ್ಳ್ಯಾ ಲೊಕಾಂಚೆ ಮೊರ್ಲ್ದಿಸುನ್ ಯವುನಿ

16 ತುಜೆ ಗುಸ್ತಿತ್ ಆನಿ ತುಜಾ ಶಿಕ್ಷೆನಾಚೆ ಗುಸ್ತಿತ್ ಹುಶಾರ್ ರ್ಲ್ಹಾ ತು ಹಿ ಕಾಮ ಕರೀತುಸ್ ರ್ಲ್ಹಾ ತವಾ ತು ತುಲಾಬಿ ಆನಿ ತುಜು ಶಿಕ್ಷೆನ್ ಐಕ್‌ತ್ಯಾಲ್ಯಾನಾಬಿ ರ್ಲ್ಹಾಕ್ಸಾರ್.

5

ಇಸ್ವಾಸಿಂಚೆ ಗುಶ್ಟಿತ್ ಜವಾಬ್ದಾರಿ

1 ಮಾಧಾರ್ಯಾನಾ ಜೊರ್ ಕರುನೊಕೊ ತ್ಯನಾ ತುಜು ಬಾಸ ಮನ್ಶುನ್ ಸಮಜುನ್ ತ್ಯಂಚಿ ಸಂಗ ಬೊಲ್. ತುಜಿವ್ಚಿ ಬಾರಿಕ್ ಆಸ್‌ಲ್ಯಾಲ್ಯಾ ತರ್‌ನ್ಯಾ ಪ್ಯೊರ್‌ಗ್ಯಾನಾ ಬಾವ್ತಾಚೆಗತ್

2 ಮಾಧಾರ್ಯಾ ಬ್ಯಾಯ್ಕಾನಾ ಆಯಿಂಚೆಗತ್ ತರ್ನ್ಯಾ ಬ್ಯಾಯ್ಕಾನಾ ಭನ್ವಿಂಚೆಗತ್ ಸಮಜುನ್ ತ್ಯನಾ ವ್ಹಯಿತಿ ಬುದಿ ಸಾಂಗ್.

3 ವಿದ್ವೆನಾ ಖುಬ್ ಮರ್ಯಾದ್ ದೇ ಕಾ ಮಂಜೆ ತ್ಯನಾ ತ್ಯಾ ಅವಶಾ ಹಾ.

4 ಫನ್ ಕಚಿ ವಿದ್ವೆಲಾ ಪೊರ ಕಿವಾ, ನಾತ್ರ ಆಸ್‌ಲ್ಯಾವ್, ತ್ಯಂಚಾನಿಸ್ ಆಂದಿ ಆಪಲ್ಯಾ ಗರ್ಲ್ಹಾತಲ್ಯಾನಾ ಬಕ್ತಿ ದಾವಾಯಾ ಆಪ್ಲೆ ಆಯಿ ಬಾಲಾ ಉಪ್ಕಾರ್ ಶಿಕುಂತ. ಹ್ಯಾ ದೇವಾಲಾ ಆವಾಡ್.

5 ಯೇಕ ವಿದ್ವೆಲಾ ಖರ್ಯಾನಿ ಮಜತ್ ಕರ್ತ್ಯಾಲ ನಸ್ಥಾನಾ ಯಕ್ಲಿಸ್ ಆಸ್ಲಿತ, ತೀ ಆಪ್‌ಲ್ಯಾಲಾ ಮಜತ್ ರಾಕಾಯಾ ದೇವಾವ ಇಸ್ವಾಸ್ ಥೆವ್ಸಾರ್. ತೀ ಆಪ್ಲಿ ಆಶಾ ದೇವಾವ ಥಿವ್ತಿ ಆನಿ ಕವಾಬಿ ಮಾಗ್ನ ಕರೀತ್ ರ್ಲ್ಹಾತ್ ದಿಸ್ ಮಜತ್ ಮಾಗ್ನಿ.

6 ಫನ್ ವಿದವೆ ಜಾಲ್ಯಾಲಿನಿ ಆಪ್ಲಿ ಶಾರಿರಿಕ್ ಹಾವುಸ್ ಫಾರಿಕ್ ಕರಾಯಾ ಸಾಟಿ ಆಪ್ಲಾ ಜೀವ್ನಾ ಉಪೇಗ್ ಕರುನ್ ಗೆತ್ಲಾತ ತೀ ಜಿತ್ತಿ ಆಸುನ್ವೀ ಮೇಲ್ಯಾಚೆಗತ್.

7 ವಿದವೆ ನಿಮದತ್ ಗಾವ್ತುನಾಹಿ ಆಶಾ ಹ್ಯಾಗುಸ್ತಿ ಸಾಂಗ್.

8 ಕಚಾನಿ ತರಿ ಆಪ್‌ಲ್ಯಾ ಸ್ವತಾಚಾ ಲೊಕಾನಾ ಮಜತ್ ಕೆಲ್ಯಾ ನಸಲ್ಯಾವ ತ್ಯನಿ ಕ್ರಿಸ್ತಾವ್ಲಾ ಆಪ್ಲಾ ಇಸ್ವಾಸ್ ಸುಡುನ್ ದಿಲ್ಯಾಲಾ ಆನಿ ಇಸ್ವಾಸ್ ನಸಲ್ಯಾಲ್ಯಾವ್ಣಿಬೀ ಕಾಲಘಾ ಭಾಲ್ಯಾ.

9 ವಿದ್ವೆಂಚೆ ಪಟ್ವಿತ್ ಮಿಸಳ್ಯಾಲ್ಯಾ ವಿದ್‌ವ್ಯಾ ವಯೆತ್ ಸಾಟ್ ವರ್ಸಾಚೆ ವರ್ ರಾಹ್ಯಾ ವ್ಹಯಿತಾ. ತಸ್ಲಿ ಯಕಾಸ್ ಫ್ವಾಚಿ ದನ್ಗರ್ ವ್ಹವುನ್,

10 ಚಾಂಗ್ಲ ಕರಾಘಾ ತಿಘಾ ಸ್ವಬಾವ್ ರಾಹ್ಯಾ ವ್ಹಯಿ ಆನಿ ಪೋರಾನಾ ಚಾಂಗ್ಲ ಸಿಕ್ವಾಯಾ ವ್ಹಯಿ ಅತೀತಿ ಸತ್ಕಾರಿ ಕರ್ತ್ಯಾಲಿ ರಾಹ್ಯಾ ವ್ಹಯಿ ದುಸರ್‌ಲ್ಯಾ ಇಸ್ವಾಸಿಂಚೆ ಸಂಗ ಥಂಡ್ವನಾನಿ ರಾಧ್ಯಾಲಿ ವ್ಹಯಾವ್ಹಯಿ ತರಾಸಾತ್ ಆಸ್‌ಲ್ಯಾಲ್ಯಾನಾ ಮಜತ್ ಕರ್ತ್ಯಾಲಿ ರಾಹ್ಯಾ ಚಾಂಗಲ್ಯಾ ಕಾಮಾತ್ ಆಪ್‌ಲ್ಯಾಲಾ ವಪ್ಸುನ್ ದಿಲ್ಯಾಲಿ ರಾಹ್ಯಾ ವ್ಹಯಿ

11 ಆಪ್ಲೆ ಆಶೆನಿ ಕ್ರಿಸ್ತಾಪ ಆಸ್‌ಲ್ಯಾಲಾ ಆಪ್ಲಾ ಸಬ್ಬ ಸುಡುನ್ ದಿತಿ

12 ಕ್ರಿಸ್ತಾಲಾ ದಿಲ್ಯಾಲಾ ಸಬ್ಬ ಇಸ್ಪುನ್ ಭಾತ್ಯಾತಾ ಆನಿ ತ್ಯೆಚಾ ತೀರ್ಮಾನ್ ತ್ಯನಾ ವ್ಹನಾರ್.

13 ಯವ್ವಸ್ ನವ್ವ ತ್ಯಾ ಗರಾಡ್ ಗರಾಡ್ಚಿ ಫಿರತ್ ಆಪ್ಲ ದೀಸ್ ಗಾಲಿವತ್ಯಾತಾ ನಕೊತಸ್‌ಲ್ಯಾ ಬೊಲ್ಯಾ ಬೊಲತ್ ದುಸರ್‌ಲ್ಯಾಚಾ ಜಿವ್ವಾತ್ ಡುಯಿ ಗಾಲ್ವುನ್ ಯೋಳ್ ಗಾಲಿತ್ ರಾಧ್ಯಾತಾ. ನಕೊ ತಸ್‌ಲ್ಯಾ ಗುಶ್ಟಿ ಸಾಂಗಿತ್ ಆಸ್‌ತ್ಯಾತಾ.

14 ಮನ್ವುನ್ ದ್ಯಾನ್‌ಗ್ಯಾ ವಿದ್ವೆನಾ ಲಗಿನ್ ಕರುನ್ ಗಿಹುನ್ ಪೊರ ವ್ಹವುಂತ ಆನಿ ಆಪ್ಲಿ ಗರಾಡ್ ಕರುನ್ ರಾಹುಂತಾ ತವಾ ತ್ಯನಾ ಹಿರ್ಮಟಾಯಾ ಆಮ್ಚಾ ವಾದಿನಾ ಕಸ್ಲಾಸ್ ನೇವಾ ರಾಹಿತ್ವಾಹಿ.

15 ಫನ್ ಥೊಡ್ಯಾ ವಿದ್ವೆಂಚಾನಿ ಆಪ್‌ಲ್ಯಾ ವಾಟಾ ಸುಡುನ್ ಸೈತಾನಾಚೆ ಮಾಗ್ಣಿಲಾಗ್‌ಲ್ಯಾತಾ

16 ಫನ್ ಇಸ್ವಾಸಿ ಭಾಲ್ಯಾಲ್ಯಾ ಬ್ಯಾಯ್ಕಾಮಾನ್ಸಾಂಚಾ ಕುಟ್ಮಾತ್ ವಿದ್ವೆ ಆಸಲ್ಯಾತ್, ತ್ಯಂಚಾನಿ ಬಾಳ್ಗಾಚ್ ವಜ್ ಸಭೆವ ದಿವುನಾಹಿ. ತವಾ ಖರಾನ್ ಗರಜ್ ಆಸ್‌ಲ್ಯಾಲ್ಯಾ ವಿದ್ವೆನಾ ಮಜತ್ ಕರಾಯಾ ಸಬೆಲಾ ವ್ಹನಾರ್.

17 ಚಾಂಗಲಾ ಆದಿಕಾರ್ ಚಾಲಿವತ್ಯಾಲ್ಯಾ ಸಬೆಚಾ ಜಾಂತ್ಯಾನಾ, ತ್ಯಂಚಾತ್ ವಿಶೆಸ್ ಕರುನ್ ದೆವಾಚೆ ವಾಕ್ಯಾ ಸಾಂಗಾಚಾತ್ ತರಾಸ್ ಖಾತ್ಯಾಲ್ಯಾನಾ ದೊನ್ವಟ್ ಮರ್ಯಾದಿಲಾ ಯೊಗ್ಯ ಮನ್ವನ್ ಯವಜಾಯಾ ವ್ಹಯಿ.

18 ಕಾ ಮಂಜೆ ಮಳ್ವಿತ್ಲ್ಯಾ ಬೈಲಾಂಚೆ ತೊಂಡಾಲಾ ಮುಸ್ಕ ಗಾಲ್ಪು ನಾಹಿ ರಾಬ್ತ್ಯಾಲ್ಯಾ ಆಳಾಚಿ ಶಾರ್ಕಿ ಕುಲ್ ಗಾವ್ಡಾಯಾ ವ್ಹಯಿ ಮನ್ವನ್ ಪವಿತ್ರ ಗ್ರಂಥಾತ್ ಸಾಂಗ್ತ.

19 ಸಭೆಚಾ ಜಾಂತ್ಯಾಂಚಿ ಕುನಿತರಿ ಚುಕ್ ಸಾಂಗ್ಲಿತ ದೋಗ ನಾಹಿತ ತೀಗ ಸಾಕ್ಷಿ ನಸ್ಥಾನಾ ತ್ಯಚೆ ಬುಲಿಲಾ ಕಾನ್ ದಿವು ನಕೊಸ್.

20 ಪಾಪ್ ಕರ್ತ್ಯಾಲ್ಯಾ ಲೊಕಾನಾ ಸಭೆತ್ ಸಗ್ಳಾಂಚೆ ಮೊರ್ವ್ಸ್ ದಪ್ಕಾವ್ ತವಾ ಸಗ್ಳಾಂನಾ ತಾಕಿತ್ ದಿಲ್ಯಾಚೆಗತ್ ವ್ಹನಾರ್.

21 ದೇವ್ ಆನಿ ಕ್ರಿಸ್ತ ಯೇಸು ಪರಿಶುದ್ಧ ದೇವ್ ದುತಾಂಚೆ ಮೊರ್ವ್ ಮೀ ಖರ್ಯಾನಿ ಆದೇಶ್ ಕರ್ತೊ ಕಸ್ಲಾಬೇದ್ಬಾವ್ ನಸ್ಥಾನಾ ಆನಿ ಕುನಾಚಿ ಪರವಾನ್ಗಿ ನಸ್ಥಾನಾ ಹ್ಯಾ ಬೊಲ್ಯಾ ಚಾಲಿವ್.

22 ಪ್ರಭುಚಾ ಕಾಮಾಸಾಟಿ ತು ತುಘಾ ಹಾತ್ ಕುನಾವ ತರಿ ಥಿವುನ್ ತ್ಯಲಾ ಸಬೆಚಾ ಜಾಂತಾ ಕರುನ್ ನಿವ್ಡಾಚೆ ಆಂದಿ ಧ್ಯಾನ್ ಥಿವುನ್ ಇಚಾರ್ ಘೆ ದುಸರ್ಯಾ ಲೊಕಾಂಚಾ ಪಾಪಾತ್ ಮಿಳುನಾಹಿ ಆಸಾ ನಿರ್ಮಳ್ ವ್ಹವುನ್ ರ್ವ್ಹಾ.

23 ನಿಸ್ಥ ಪಾನಿ ತ್ಯವ್ಡಸ್ ಪಿವುನಕೊ ತುಲಾ ಶಾರ್ಕ ಜಿರವ್ಣಿ ವ್ಹಯಾ ಥೊಡಾ ಥೊಡಾ ದರಾಕ್ಚಿಚಾ ರಸ್ ಪಿ. ತು ಖುಬ್ ಖೆಪಾ ಸೀಕ್ ಪಡ್ಲೊಸ್.

24 ಥೊಡ್ಯಾ ಲೊಕಾಂಚಿ ಪಾಪ ವರುಸ್ ದಿಸತ್ಯಾತ್. ತ್ಯಂಚಾ ನ್ಯಾಯಿತಿರ್ಮಾನ್ ವ್ಹನಾರ್ ಮನ್ವನ್ ತ್ಯಂಚೆಸ್ ಪಾಪ ದಾವುನ್ ದೇತ್ಯಾತ್. ಫನ್ ಕಾಯ್ ಥೊಡ್ಯಾ ಲೊಕಾಂಚಿ ಪಾಪ ಥೊಡ್ಯಾ ಯಳಾನಿ ಸಮಾಸ್ತ್ಯಾತ್.

25 ತಸಸ್ ಥುಡಿ ಚಾಂಗ್ಲಿ ಕಾಮ ದಿಸತ್ಯಾತ್. ದುಸ್ರಿ ಥುಡಿ ಕಾಮ ದಿಸಲಿ ನಾಹಿತ ತರಿ ದಡತ್ ನಾಹಿತ.

6

¹ ಭಾಕ್ರಾಂಚಾನಿ ಆಪ್‌ಲ್ಯಾ ದನ್ಯಾನಾ ಸಗ್ಳಿ ಮರಣ್ಯಾದ್ ದಿಯಾ ವ್ಹಯಿ ನಾಹಿತ ದೇವಾಚಾ ನಾವಾಲಾಬಿ ಆಮಿ ಆಯಿಕ್‌ಲ್ಯಾಲ್ಯಾ ಶಿಕ್ಷನಾಲಾಬಿ ನಿಂದಾ ವ್ಹಯಿಲ್.

² ಆನಿ ಕುನಾಲಾತರಿ ಕ್ರಿಸ್ತಾವ ಇಸ್ವಾಸ್ ಆಸಲ್ಯಾಲಾ ದನ್ವಿ ಆಸ್ಲಾತ. ತ್ಯಾಚಾನಿ ತ್ಯಾ ದನ್ಯಾಲಾ ಬಾಹು ಮನ್ವುನ್, ಆಪ್ಲೆ ಸೆವೆಚ್ ಫಳ್ ಗೆನ್ನಾರಾ, ಇಸ್ವಾಸಾಚಾ ಮಾಯೆಚ್ ಭಾಲ್ಯಾತ ಮನ್ವುನ್ ಸಮಜುನ್ ತ್ಯನಾ ಖುಬ್ ಸಂತೊಶಾನಿ ಸೆವಾ ಕರಾಯಾ ವ್ಹಯಿ. ಆಸ ತ್ಯನಾ ಸಿಕಿವ್.

ಲಬಾಡ್ ಸಿಕಿವ್ ಆನಿ ಖರಿ ಸಾವ್ಕರ್ಕಿ

³ ಯಕ ಯಳಿ ಕೊನ್ತರಿ ದುಸ್ರೆ ತರನಿ ನಿಯಮ್ ಸಿಕಿವ್‌ತ್ಯಾತ ಆನಿ ಆಮಚಾ ಪ್ರಭು ಯೇಸು ಕ್ರಿಸ್ತಾಚಿ ಖರಿ ವಚನ ಆನಿ ಭಕ್ತಿನಿ ಮಿಳಾಲ್ಯಾಲಿ ಪುರ್ನ ಸಿಕ್ಷನ್ ಗಿಹಿತ್ಯಾಹಿತ.

⁴ ತ್ಯೊ ದಿಮಾಕಾನಿ ಬರ್‌ಲ್ಯಾಲಾ ಹಾ. ಆನಿ ತ್ಯಲಾ ಕಾಯೆಕ್ ರಾವನಾಹಿ. ತ್ಯಚೆ ನಕೊಜಾಲ್ಯಾಲೆ ಆಶೆನಿ ವಾದ್ ಗಾಲ್ಹಿತ್ ರಾಥೊ ಆನಿ ಸಬ್ದ ಉಪೇಗ್ ಕರುನ್ ಕಳ್ ಕರ್ತೊ. ದುಬಾವ್, ಖೊಟ ಫನ್, ನಿಂದಾ ಕರಾಚಿ, ಆನಿ ಬುರ್ಶಾ ಸಿವ್ಯಾಯತ್ಯಾತಾ.

⁵ ಯವ್ಡಸ್ ನವ್ವ ಬುಧಿ ಖರಲ್ಯಾಲಾ ದುರ್ ರಾಹುನ್ ದೆವಾಚಿ ಬಕ್ತಿ ಲಾಬಾಚ್ ವಸ್ತು ಮನ್ವುನ್ ಸಮಜತ್ಯಾಲ್ಯಾಹ್ಯಾ ಮಾನ್ಸಾತ್ನಿ ಖಾಯಿಮ್ ಕಳ್ ವ್ಹನಾರ್.

⁶ ಖರಲ್ಯಾನಿಸ್ ದೇವಾಚಿ ಸೇವೆ ಕರ್ತಾಲಾಸ್ನಿ ಮಾನುಸ್ ಸಾವ್ಕೊರ್ ವ್ಹತ್ಲೊ. ಆನಿ ಆಪ್ಲಿಪ ಕ್ಯಾಹಾ ತ್ಯಾತುಸ್ ತ್ಯೊ ಸಂತೊಶ್ ವ್ಹತ್ಲೊ.

⁷ ಆಮಿ ದುನೆತ್ ಆಲಾವ್ ತವಾ ಕ್ಯಾ ಗಿಹುನ್ ಆಲಾವ್? ಕಾಯ್ ನಾಹಿ. ಆಮಿ ಮರ್ತಾನಾ ಕಾಯೆಕ್ ಗಿಹುನ್ ಜಾನಾರ್ ನಾಹಿ.

⁸ ಮನ್ವುನ್ ಜೆವಾನ್ ಕಪ್ಡ ಆಸ್‌ಲ್ಯಾವ ಪುರೊ. ತ್ಯಾತುಸ್ ಆಮಿ ಸಮಾದಾನಾನಿ ರಾಥಾವ್.

⁹ ಫನ್ ಸಾವ್ಕೊರ್ ವ್ಹಯಾ ಪಾಯ್ಚಿ ಮಂಥ್ಯಾಲಾ ಆಪ್‌ಲ್ಯಾಲಾ ಆಪ್ಲುಸ್ ಪರೀಕ್ಷೆತ್ ಗಾಲ್ಹುನ್ ಗೇನ್ನಾರ್. ತೇ ಖುಬ್ ಮುರ್ಖಾತ್ ಆನಿ

ಹಾಳ್ ಕರ್ತೃಲೆ ಆಶೆತ್ ಗಾವಲ್ಯಾತ ತ್ಯ ತ್ಯನಾ ಹಾಳಾತ್ ಆನಿ ಗೈಪಾತ್ ಗ್ಯಾಲ್ತ.

10 ಪೈಶಾಂಚಿ ಆಶಾ ಸಗಳೆ ತರಚಾ ಬುರ್ಶಾ ಫನಾಲಾ ಮುಳ್ ಜಾಲ್ಯಾ ಥೊಡ್ಯಾಂಚಾನಿ ತ್ಯಚಿಸಾಟಿ ಗಾಹಿ ಕರುನ್, ತ್ಯನಿ ಕ್ರಿಸ್ತಾಚಾ ಇಸ್ವಾಸ್ ಸುಡುನ್, ಫಿರತ್ ಖುಬ್ ತರಾಸಾನಿ ಆಪಲ್ಯಾಲಾ ಬುಘುವುನ್ ಗೆತ್ಯಾತ.

ಸ್ವತಾಚಿ ಪಾರಕ್

11 ಫನ್ ತು ದೇವಾಚಾ ಮಾನುಸ್ ಜಾಲ್ಯಾಸ್ ತ್ಯಚಿಸಾಟಿ ಹ್ಯಾ ಸಗ್ಳ್ಯಾ ಪಾಪಾತ್ನಿ ದುರ್ ರ್ಡ್ಡ್ ಆನಿ ನಿಯೆತಿನಿ ಬಕ್ತಿಚಿ ಸೆವಾ ಇಸ್ವಾಸ್, ಮಾಯಾ, ಧೀರ್, ಸಾತ್ವಿಕತೆತ್ ಮಿಳುನ್ ರ್ಡ್ಡ್.

12 ಇಸ್ವಾಸಾಚಾ ಪಳನ್ಯಾತ್ ತುಜಾ ಪುರ್ಯಾ ಚಾಂಗಲ್ಯಾಸಾಟಿ ಪಳ್. ಆನಿ ತುಜಿಸಾಟಿ ಶಾಸ್ತ್ರ್ತ್ ಜೀವ್ ಜಿತ್. ತುಲಾ ಹ್ಯಚಿಸಾಟಿಸ್ ಹಾಕಟ್ಲ್ಯಾ ತು ಖುಬ್ ಸಾಕ್ಷಿಚೆ ಮೊರ್ಹ ತ್ಯ ಖುಬ್ ಚಾಂಗಲ್ಯಾನಿ ಗೆತಲ್ಯಾಸ್.

13 ದೇವಾಚೆ ಮೊರ್ಹ ತ್ಯೊ ಸಗ್ಳ್ಯಾನಾ ಜೀವ್ ದೆತೊ. ಆನಿ ಕ್ರಿಸ್ತ ಯೇಸುಚೆ ಮೊರ್ಡ್ಡ್ ತ್ಯೊ ಪೊಂತಿ ಪಿಲಾತಾಚೆ ಮೊರ್ಹ ಖುಬ್ ಚಾಂಗ್ಲಿ ವಳಕ್ ದಿಲ್ಲಿ. ಮಿ ತುಲಾ ಆಜ್ಞಾ ದೆತೊ.

14 ಆಮಚಾ ಪ್ರಭು ಕ್ರಿಸ್ತ ಯೇಸು ದಿಸಪರ್ಯಾತ್ ತುಲಾ ದಿಲ್ಯಾಲಿ ಆಜ್ಞಾ ಪಾಳೆತ್ ಇಸ್ವಾಸಾನಿ ಚಾಲಿವ್.

15 ಆಪ್ಲಿ ಥರಿವಲ್ಯಾಲ್ಯಾ ಶಾರ್ಕ್ಯಾ ಯಳಾಲಾ ತ್ಯಲಾ ದ್ಯಾವ್ನಾರ್. ತ್ಯೊ ಭಾಗ್ಯ ಆಸ್ತಾರಾ ಆನಿ ಯಕ್ಲಾಸ್ ರಾಜ್ಬಾರ್ ಕರ್ನಾರಾ ರಾಜಾಚಾ ರಾಜಾ ಪ್ರಭುಚಾ ಪ್ರಭು ಜಾಲ್ಯಾ.

16 ಮರಾನ್ ನಸ್ಸಾರಾ ತ್ಯೊ ಯಕ್ಲಾಸ್ ತ್ಯೊ ರಾಧ್ಯಾಲ್ಯಾ ಉಜಿಡಾಚೆ ಜವಳ್ ಲೊಕಾನಾ ಜಾಯಾಲಾ ವ್ಹನಾರ್ ನಾಹಿ ತ್ಯಚಿ ಮರ್ಯಾದ್ ಆನಿ ಶಾಸ್ತ್ರ್ತ್ ಬಳ್ ಖಾಯಿಮ್ ರಾಹುನಿ. ತಸ ವ್ಹವುನಿ.

17 ಹ್ಯಾ ಲೊಕಾತ್ ಕೊನ್ ಸಾವ್ಕೊರ್ ಹಾ ತ್ಯಲಾ ಆಜ್ಞಾ ದೆ. ಗರ್ವಿಶ್ಚ್ ರಾಹುನಕೊಸಾ, ನಾಸ್ ವ್ಹತ್ಯಾಲೆ ಸಾವ್ಕರ್ಕಿವ ಆಸೆ ಥಿವು ನಕೊಸಾ.

ತ್ಯ ಖರ ನವ್ವ ಚಾಂಗಲ್ಯಾ ದೇವಾವ ಇಸ್ವಾಸ್ ಥೆವಾ. ತ್ಯೊ ಆಮಚಾ ಆನಂದಾಸಾಟೆ ಸಗಲ್ಯಾ ಗುಸ್ಪಿ ಸಗಲ್ಯಾ ಪುರ್ನ ಕರ್ನಾರ್.

18 ತ್ಯನಾ ಆಜ್ಞಾ ದೆ ತೇ ಚಾಂಗಲ್ಯಾ ಕಾಮ ಕರಾಯಾ ಆಜ್ಞಾ ಆನಿ ಚಾಂಗಲ್ಯಾ ಕಾಮಾನಿ ಸಾವೊರ್ ವ್ಹವುಂತ ಉದಾರಾನಿ ಆನಿ ಯಕಾ ಸಂಗ ಆಪ್ಲಿ ಸಾಮ್ನ ದಿವುಂತ.

19 ತವಾ ಪರಲೋಕಾತ್ ಯೇಕ್ ರೆವ್ ತ್ಯಂಚಾನಿ ರಾಮುನ್ ಥೆವ್‌ಲ್ಯಾಚೆಗತ್ ವ್ಹತ್ತೆ. ಹ್ಯಚಿಸ್ ಲಾಗುನ್ ತೇ ಜೀವ್ನಾಲಾ ದರ್ವ್ಡನ್ ರಾನ್ವಾರ್ ತ್ಯೊ ಖರಾ ಜೀವ್ನಾ ಜಾಲ್ಯಾ

20 ತಿಮೋಥ್ಯಾ ತುಲಾ ದಿಲ್ಯಾಲ ತು ರ್ಯಾಕ್. ಭಕ್ತಿ ನಸ್‌ಲ್ಯಾಲ್ಯಾ ಬೊಲ್ಯಾಸ್ನಿ ಆನಿ ವಾದಿಂಚಾ ಲಬಾಡ್ ಬೊಲ್ಯಾಸ್ನಿ ತ್ಯಲಾ ಚುಕುನ್ ದುರ್ ರ್ವಾ

21 ಥೊಡ್ಯಾಂಚಾನಿ ತ್ಯ ಲಬಾಡ್ ಶಿಕ್ಷೆನ್ ಐಕುನ್ ಕ್ರಿಸ್ತಾಚಾ ಇಸ್ವಾಸಾತ್ನಿ ದುರ್ ಜಾಲಿತ. ಕುಪಾ ತುಮಚಿ ಸಂಗ ರಾಹುನಿ.

ದೆವಾಚಿ ಖರಿ ಕಬರ್
The New Testament in the Gowli language of India,
Devanagari script. ದೆವಾಚಿ ಖರಿ ಕಬರ್ (Bible)

copyright © 2023 The Word for the World International and Gowly Marathi Translation Samti, Karnataka

Language: (Gowli)

Contributor: The Word for the World International

ದೆವಾಚಿ ಖರಿ ಕಬರ್
ನವಾ ಕರಾರ್, 2023

The New Testament in Gowli Marathi Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

c4461ecc-9ab5-5edc-b62d-034ac186b922